

ros donari, affirmamus: Et ex Baptismo probabiliter tantum tum pueros tum adultos inter electos censer.

Colloq. Montp. f. 436. & 460. Respons. ad acta Colloquij f. 25.

112. Hoc nimirum est ἀεροβατεῖν, & quod Paulus prohibuit, verbum Dei, quod prope nos est, in caelis querere: Rom. 10, 6. & seqq. Hoc est, omnem firmæ consolationis vim enervare, inque absynthium convertere: Hoc denique est Pyrrhonicam & Academicam introducere Theologiam, quæ constet nullâ certâ asseveratione sed merâ ἐποχῆ: vel certè more Pontificio, de regeneratione & salute infantium dubitet,

113. His detestandis paradoxis & ἐτεροδιδασκαλίαις valere iussis, cum confessione nostra firmiter ac indubitato statuimus, vim & operationem baptismi infantibus omnibus baptizatis obtingere, ut per hoc lavacrum regenerationis oblatis Deo, verè mundentur à peccatorum reatu: verè transeant ex censu filiorum ita in collegium filiorum Dei: inque gratiam Dei recipiantur: eo ipso temporis momento, quo aquâ Baptismi tinguntur.

114. Affirmativa huius nostre firmamenta hæc sunt præcipua: I. Quicumque Christo est indutus, is est regeneratus. At teste Apostolo omnes infantes in Christum baptizati, Christo induuntur. Gal. 3, 27. Ergo, omnes etiam infantes in baptismo regenerantur.

II Qui